

TARIKH	30 / 5 / 2015	MUKASURAT	R 12
HARI	SABTU	RUANGAN	PORTFOLIO

Indeks susut 8.04 mata

» **Kaunter rugi mengatasi kaunter untung sebanyak 424 kepada 370**

Saham di Bursa Malaysia ditutup rendah semalam dengan indeks petunjuk pasaran susut 8.04 mata, berikutan penurunan saham wajaran tinggi yang terus mempengaruhinya.

Pada jam 5 petang, FTSE Bursa Malaysia KLCI (FBM KLCI) berada pada 1,747.52 selepas berlegar antara 1,746.06 dan 1,755.82 sepanjang sesi dagangan.

Kaunter rugi mengatasi kaunter untung sebanyak 424 kepada 370, manakala 310 kaunter tidak berubah, 719 tidak diniagakan dan 27 yang lain digantung.

Jumlah dagangan meningkat kepada 2.23 bilion unit bernilai RM3.69 bilion daripada 1.61 bilion unit bernilai RM1.9 bilion, kelmarin.

Mendahului senarai kaunter

paling rugi, British American Tobacco turun 95 sen kepada RM62, Public Bank susut 46 sen kepada RM18.50, dan Kuala Lumpur Kepong merosot 30 sen kepada RM20.70.

Kenanga Research berkata sentimen pelabur kekal lembap berikutan kajian penarafan negara yang akan datang dan ringgit lemah sepanjang minggu ini.

"Petunjuk utama masih tidak menunjukkan tanda-tanda akan kukuh semula berikutan ia kekal dalam keadaan terlebih jual," menurut firma penyelidikan itu dalam nota.

Bagi saham wajaran tinggi lain, Maybank susut 8.0 sen kepada RM9.03, Axiata merosot 1.0 sen kepada RM6.58, Sime Darby turun 17 sen kepada RM8.32, manakala Tenaga meningkat 2.0 sen kepada RM13.36.

Dalam kalangan saham cergas, K-One turun 14.5 sen kepada 30.5 sen, UEM Sunrise merosot 1.0 sen kepada RM1.03 dan Westports susut 4.0 sen kepada RM4.23.

Di papan skor, Indeks FBM Emas merosot 36.74 mata kepada 12,097.37, Indeks FBMT100 turun 34.26 mata kepada 11,784.11, Indeks FBM Emas Syariah susut 21.12 mata kepada 12,576.45 dan FBM Ace jatuh 66.68 mata kepada 6,548.59.

FBM 70, bagaimanapun, menokok 37.46 mata kepada 13,278.88. Indeks Kewangan merosot 89.66 mata kepada 15,595.67, Indeks Perusahaan susut 14.87 mata kepada 3,183.62, dan Indeks Perladangan turun 47.03 mata kepada 7,268.23.

Jumlah dagangan Pasaran Utama meningkat kepada 1.41 bilion saham bernilai RM3.48 bilion daripada 875.59 juta saham bernilai RM1.69 bilion, kelmarin.

Jumlah dagangan di Pasaran ACE naik kepada 648.28 juta saham bernilai RM163.54 juta daripada 580.39 juta saham bernilai RM158.6 juta pada Khamis.

Waran meningkat kepada 165.46 juta saham bernilai RM47.45 juta daripada 159.87 juta saham bernilai RM53.73 juta se-



“

Petunjuk utama masih tidak menunjukkan tanda-tanda akan kukuh semula berikutan ia kekal dalam keadaan terlebih jual”

Kenanga Research

belum ini.

Barangan pengguna menyumbang 54.74 juta saham diniagakan di Pasaran Utama, barangan perusahaan (167.61 juta), pembinaan (55.95 juta), perdagangan dan perkhidmatan (642.05 juta), teknologi (89.06 juta), infrastruktur (45.95 juta), SPAC (17.72 juta), kewangan (80.29 juta), hotel (977,000), hartanah (219.43 juta), perladangan (36.51 juta), perlombongan (12,000), REIT (90.08 juta), dan dana tertutup (1,000).

BERNAMA